

# Bloed Verbond

Die bloed Verbond

As jy die Skrif oopmaak op die eerste blaaie sal jy lees dat dit die ganse “heilige” Skrif is wat al die Kanonieke boeke bevat en dat dit ‘n Testament is van die ou en nuwe geskryfte. So lees ons ook waar die nuwe testament begin as “Testament” (*Wat inderwaarheid nog steeds Ou verbond moet wees*).

Kom ons kyk eerstens wat die betekenis is van “Testament en Verbond”. ‘n Testament is ‘n eensydige kontrak waarvan die opsteller sy eiendom opdeel soos hy voel reg is. Die opsteller vra dus vir niemand oor hoe hy sy besittings gaan verdeel en aan wie hy dit gaan uitdeel nie. ‘n Testament kom dus in werking wanneer die opsteller te sterwe kom.

‘n Verbond aan die anderkant is waar twee of meer bymekaar kom en eenstemmigheid kry sodat daar ‘n kontrak tussen die twee partye opgestel kan word. Die verbond kontrak is dus nie eensydig nie, maar ‘n ooreenkoms tussen partye. Beide die partye moet saamstem waarvan daar ‘n getuie moet wees om die ooreenkoms te bekragtig. So met die instem van partye sal die getuie se handtekening verskyn saam met die twee partye se handtekeninge op die kontrak. Enige verbond tree in werking wanneer al die partye se handtekeninge daarop is en bly dan in werking totdat een van die verbond opstellers afsterwe. Na ‘n sterfte is die tweede party vry van daardie ooreenkoms en die kontrak is dan tot niet (*Vat die huwelik tussen man en vrou. As die man tot sterwe kom en daar was geen kinders in die huwelik nie is die vrou nou vry van die huwelik-verbond en sy is vry om weer in die huwelik te tree*). M.a.w. ‘n verbond het voorwaardes waarvan ‘n testament dit nie het nie. Verbond is eenstemmig waarvan ‘n testament nie is nie, want gewoonlik met die lees van die testament veroorsaak dit onenigheid.

Wat al die woorde vir ons tot dusver sê is dat ons deur ons hele Skrif (Bybel) die woord ‘testament’ kan dood krap en dit vervang met ‘verbond’.

Daar bestaan nie ‘n ‘testament’ nie, maar wel ‘n ‘verbond’ tussen ons en YAH. Ons het ‘n ou priester orde gehad waarvan Aäron (*Die Leviëte hoof*) in die Tabernakel diens gedoen het. Die nuwe priester orde wat ons tans besit gaan ons nou bespreek en so ook die nuwe verbond.

Die bloed-verbond wat YAH met Abraham en sy nageslag aangegaan het is beperk tot die uitverkiesing waarvan ons as *Yashar’EL* deur YAH se guns dit bekom het. Die verbond het sy bekragtiging gekry in die woord *beriyth / bereeth* in Hebreeus (H1285) wat sny van vleis dat die bloed uitkom beteken. Dit kan ook wees dat die vleis in twee stukke gesny word en dan moet daar tussen die stukke vleis deur geloop word.

Ons moet nie verwar raak tussen die verskillende verbonde wat ons in die Skrif vind nie. Daar is die verbond met Adam, die verbond met Noag, die verbond met Isak en Jakob, ens.

Die Abraham “mitiese” verbond wil ek graag aanraak en ook die volk sin. YAH se verbond was met Abram en dit was net tussen YAH en Abram. (*Gen 17:2 ,5 En Ek wil My verbond sluit tussen My en jou, en jou buitengewoon vermeerder. 5 Daarom sal hulle jou nie meer Abram noem nie, maar jou naam sal wees Abraham, want Ek maak jou ‘n vader van ‘n menigte van nasies.*)

Die Sinaitiese-verbond is waar YAH met die volk ‘n verbond oprig. (*Ex 19:5 As julle dan nou terdeë na My stem luister en My verbond hou, sal julle My eiendom uit al die volke wees, want die hele aarde is Myne. Ex 24:3,6-8 Toe Moses kom en aan die volk al die woorde van YAH en al die verordeninge vertel, antwoord die hele volk met een stem en sê: Al die woorde wat YAH gespreek het, sal ons doen. 6 En Moses het die helfte van die bloed geneem en dit in komme gegooi en die helfte van die bloed teen die altaar uitgegooi. 7 En hy het die boek van die verbond geneem en dit voor die ore van die volk geles. En hulle het gesê: Alles wat YAH gespreek het, sal ons doen en daarna luister. 8 Toe neem Moses die bloed en gooi dit uit op die volk en sê: Dit is die bloed van die verbond wat YAH met julle gesluit het op grond van al hierdie woorde.* M.a.w. dit was ‘n huwelik-verbond. Toe die volk die Sinaitiese-verbond aanvaar was dit om YAH te ontvang (as *Bruidegom*) en te aanvaar as Koning. Toe die volk die Sinaitiese-verbond oortree het, het hulle YAH as Koning verwerp (*veelmaals*).

Soos bo verduidelik oor ‘n verbond moet daar twee partye wees en ‘n tussenganger as getuie. YAH het aan Abraham gesê dat Hy by Homself sweer en daar ‘n teken van herinnering aan die verbond moet wees (Soos die besnydenis verbond wat ons lees in: *Gen. 17:11 julle moet aan die vlees van julle voorhuid besny word, en dit sal ‘n teken wees van die verbond tussen My en julle*). In *Gen. 22:16* lees ons: *Ek sweer by Myself, spreek YAH Jes. 45:23 Ek sweer by Myself; geregtigheid gaan uit My mond, ‘n woord wat nie herroep word nie: dat voor My elke knie sal neerbuig, by My elke tong sal sweer* (Meer oor die besnyding onder).

Die ou priesterorde het sy ontstaan en werking gekry nadat die volk dié verbond ontvang en aanvaar het op die berg Sinai (*huwelik verbond*). Met die ooreenkoms en aanvaarding van die verbond moes die volk hardop antwoord dat hulle die verbond van YAH aanvaar (*Deut.27:15-26*). YAH stel toe vir Aäron as hoof aan wat Sy wet en verordeninge moet handhaaf (*Deur die Leviete orde*). Nou sien ons dat YAH en die Volk die twee partye was. Aäron word aangestel (*Leviet*) in die Tabernakel waarvandaan die wet (*Verbond*)gehandhaaf en onderhou moes word. Die Tabernakel was daar vir vrede tussen YAH en die volk (*So ook vir orde*). Ook was dit ‘n plek waar voortdurende dood (*offers*) voorgekom het; Tog was die Tabernakel ‘n simboliese-liggaam waar lewe deur die dood bekom was. M.a.w. die bloed van slagoffer het gedurig gevloei vir die volk se wetsoortredinge.

Soos genoem is bloed ‘n simbool van dood, want as bloed gestort word gaan lewe uit daardie liggaam saam met bloed. Ons kan ook noem dat die lewe die siel is in die bloed. Ons moet nie fout maak om te dink dat bloed dood of lewe is nie. Die bloed skenk ‘n simboliseer van die dood, maar is wel die draer van die lewe. Al het bloed gevloei is die lewe nog steeds daarin teenwoordig (*Lev. 17:11 Want die siel van die vlees is in die bloed, en Ek het dit aan julle op die altaar gegee om vir julle siele versoening te doen; want die bloed bewerk versoening deur die siel*).

Met ons voorvaders se ongehoorsaamheid het YAH ‘n skeibrief aan hulle gegee (*Hoerery tussen gelowe: Jes. 50:1 So sê YAH: Waar is tog die skeibrief van julle moeder waarmee Ek haar verstoot het? Of wie is daar van My skuldeisers aan wie Ek julle verkoop het? Kyk, weens jul ongeregtighede is julle verkoop, en weens jul oortredinge is julle moeder verstoot*).

Die ou verbond is verbreek en tot niet verklaar deur YAH. Met die verbreking het YAH ons verlaat as volk. Bo het ek die beginsels van ‘n verbond verduidelik, maar in YAH en Abraham se geval was daar voortdurende-verbond gesluit; ‘n Teken is aan die verbond gekoppel waar sy nageslagte dit moes eerbied (*Besnyding* sodat dit van geslag tot geslag kon herhaal (*Dus na Abraham se dood het dit staande gebly tot op YAHUSHA, want YAHUSHA was ook besny*)). Dié volk “trou” met YAH by die berg Sinai en die Abraham, Isak en Jakob verbond word bevestig saam met verordeninge; Die volk word besny voordat hulle in die belofte-land ingaan; Hulle breek die huwelikswet met sy ordeninge en YAH skei die volk weens hulle hoerery. *Jes. 50:1 So sê die HERR YAH: Waar is tog die skeibrief van julle moeder waarmee Ek haar verstoot het?* In Mat 5:32 bevestig YAH: *Maar Ek sê vir julle dat elkeen wat van sy vrou skei, behalwe omrede van hoerery, ....*

Weens hoerery skei YAH, Abraham se nageslag; Nou as ‘n geskeide volk staan ons nie meer onder die huwelik verbond / wette nie; Die besnyding-teken van Abraham het wel voort bestaan, want YAHUSHA was ook besny; Maar die verbond het gestop die dag toe YAHUSHA gefolter was. Hoekom is voor die hand-iggend, want die tweede verbond-stigter is “dood” (*Gefolter*). (*Ons moet net een ding nooit vergeet nie en dit is om verwar te word met YAH se 10 gebooi en die wet en verordeninge van die huwelik van die volk nie! Die huwelikswet is weg, maar die gebooi se bestaan. YAHUSHA bevestig dit baie soos in Joh.15:10 As julle My gebooi bewaar, sal julle in My liefde bly, net soos Ek die gebooi van My VADER bewaar en in Sy liefde bly*). Baie wil nog aan die ou verbond vasklewe wat ‘soos ons sien’ tot niet is. Hulle dink as hulle in die vlees sukses het, het hulle ook sukses in die gees, maar dit is die teenoorgestelde, want die vlees dryf hulle weg van die gees. Die vlees wat die wêreld simboliseer moet oorwin word sodat die nuwe verbond wat ons lees in die Skrif kan kom (*Jer. 31:31 Kyk, daar kom dae, spreek YAH, dat Ek met die huis van Israel Yashar’EL en die huis van Juda ‘n nuwe verbond sal sluit*);).

Nou kom ons Trooster YAHUSHA en gee vir ons baie geheime deur dat ons dit kan verstaan. Hy wys vir ons as volk weer die ou verbond, maar met die verskil dat Hy nou die Middelaar sal wees met die nuwe (*Matt. 5:17 Moenie dink dat Ek gekom het om die wet of die profete te ontbind nie. Ek het nie gekom om te ontbind nie, maar om te vervul Matt. 9:13 Maar gaan leer wat dit beteken: Ek wil barmhartigheid hê en nie offerande nie; want Ek het nie gekom om regverdiges te roep nie, maar sondaars oortreders tot bekering. Matt. 10:34 Moenie dink dat Ek gekom het om vrede op die aarde te bring nie. Ek het nie gekom om vrede te bring nie, maar die swaard*). Die Tabernakel van ouds Simboliseer die 'n liggaam van YAHUSHA se Liggaam. Kyk gerus na Open. 21:3 *En ek het 'n groot stem uit die hemel hoor sê: Kyk, die Tabernakel (YAHUSHA) van VADER is by die mense, en Hy sal by hulle woon, en hulle sal Sy volk wees; en VADER self sal by hulle wees as hulle VADER.*

In die tabernakel het daagliks verskillende bloed van offers gevloei vir verskillende redes, waarvan YAH gesê het in *Jes. 1:11 Ek is sat van die brandoffers van ramme en die vet van vetgemaakte kalwers; en Ek het geen behae in die bloed van stiere of lammers of bokke....* Verkeerdelik het die volk die slagoffer en spysoffer misbruik waarvan YAHUSHA dit wel kom volbring het. YAHUSHA het eenmaal Sy bloed vir ons kom stort met die verskil dat daardie "Tabernakel" / YAHUSHA nou oopstaan tot diens waar wet en orde gehandhaaf word. Verstaan dat daardie priesterorde oorgeskuif het na YAH wat ons as mans (pa) aanstel as hoof en priester van ons huisgesinne.

Ons as die uitverkore volk gaan weer die tweede party word in die verbond wat voorlê saam met ons Skepper. YAHUSHA het gekom om te vervul. HY het die wet, orde en reëls kom openbaar sodat herstel deur VADER vervuld kan word. Ons gaan dus weer onder die ou verbond se reëls val, maar met die verskil dat YAHUSHA in die tempel se plek is en dat VADER die tweede party sal wees (*Volk, Seun en VADER*).

Onthou in die ou Sinaitiese verbond was die verbond met ons voorvaders gesluit deur YAH, waarvan Hy nou die middelaar geword het as "SHA" / Losser (*Joh. 14:6 YAHUSHA antwoord hom: Ek is die weg en die waarheid en die lewe; niemand kom na die VADER behalwe deur My nie*).

YAHUSHA verteenwoordig die vlees en die bloed verbond *Joh. 6:56 Wie My vlees eet en My bloed drink, bly in My en Ek in hom. Matt. 26:26... Neem, eet, dit is My liggaam. 26:27... Drink almal daaruit. 26:28 Want dit is My bloed, die bloed van die nuwe Verbond,..... Joh. 15:15 Ek noem julle nie meer diensknegte nie, omdat die dienskneg nie weet wat sy heer doen nie. Maar Ek het julle ~~vriende~~ kinders genoem, omdat Ek alles wat Ek van My VADER gehoor het, aan julle bekend maak het. 'Vriende' is verkeerdelik vertaal dit moet seuns/kinders wees (*G3816 pais / paheece*) want dit is nie 'n vriend wat 'n verbond met YAH aangegaan nie, maar 'n "seun"; 'n "Familielid" / kind van VADER (*Mal. 2:15*).*

‘n Kneg bedien tog sy heer wat aan tafel sit, maar ‘n seun / kind van VADER sit saam met HOM en YAH aan tafel; Lw. YAH gaan weer trou met Sy uitverkore, daarom die bekendstelling van die ‘huwelik-tafel’ van bo.

Om af te sluit:

Die ou verbond wat baie so aan vasklou is volbring deur YAHUSHA. Die nuwe verbond wat gereed is gaan VADER met ons as Saksers / *Yashar'EL* aangaan, waarvan YAH ( *Dié Seun van VADER*) die Tweede party sal wees.

Ek glo die nuwe Verbond sal sy tekens in hê soos die oue (Lev. 14:14). As daar ‘n teken is tot verbond-herinnering sal dit aan klein en groot wees soos die besnyding wat voortgeduur het tot op YAHUSHA. YAHUSHA het die ou verbond vervul en volbring aan die folterpaal (Joh. 19:30). Ons moet onthou wat in Luk 10:16 staan: *Wie na julle luister, luister na My; en wie julle verwerp, verwerp My; en wie My verwerp, verwerp Hom wat My gestuur het.* Simbolies drink ons nou die wyn en eet ons die brood wat die nuwe-verbond in plek stel om die oue te vervang. Die brood en wyn kan ook as ‘n “teken” gesien word vir die nuwe-verbond wat vir ons voorlê.

YAHUSHA het gekom om die ‘geboorte van bo’ daar te stel vir ons deur die Pasga te vervolmaak (Joh. 1:13; 3:3). Om die geboorte van bo te kan ontvangs beteken die ontvangs van dié “Gees van VADER” Hoe werk dit?

- 1) Soek eers die koninkryk van VADER; *Matt. 6:33*
- 2) Erken dat daar ‘n VADER en ‘n Seun is *Mark. 12:29*
- 3) Jy moet YAH liefhê met jou hele hart, uit jou hele siel, uit jou hele verstand, en uit al jou krag *Mark. 12:30*
- 4) Jy moet jou naaste liefhê soos jouself
- 5) Doen die geboorte 1 Joh. 3:24

As jy tekort het aan die boonste punte gaan versoen en kom tot Inkering, Beking en die Wassing / Doop (*Moet nooit die fout maak en dink dat die water doop in die besnyding se plek gekom het nie Matt. 5:24*).

Die nuwe-verbond was geprofeteer in *Jer. 31:31* waarvan YAHUSHA dit bevestig het in *Matt. 26:28*. YAHUSHA het Sy “bloed” soos ‘n offerlam kom stort sodat ons daardeur gereinig kan word *Open. 7:14*. (*Verstaan “gereinig deur Sy bloed”. Die wat die bloed oor hulle pleit word aangekla en hul kleding is ‘rooi’ bevlek, maar die wat deur Sy bloed pleit se kleding het ‘wit’ geword*). Die bloed-verbond se vooraf-teken is die brood en die wyn en nie die besnyding nie. Geboorte van bo is slegs vir die wat YAHUSHA as die Reine Gees van VADER aansien en so ook om Hom te kan ontvang. Wanneer? In die 1000 Jaar van vrede. Daarbenewens besny nou jou hart en nie jou vlees nie.

Ns.: Die liefde is maar net woorde totdat dit bewys word, sonder ‘doen’ bly liefde ‘n woord. Daarom is YAHUSHA se Liggaam (*die Brood*) en bloed (*die Wyn*) net woorde totdat dit gebruik word. Liefde tot VADER is deur SY Seun. Om liefde te betoon is om die Geboorte te bewaar / onderhou.

*Bedink dit.*